

Arðskrá þessi staðfestist hér með samkvæmt lögum nr. 112 9. okt. 1941, um lax- 93 og silungsvéiði, til þess að öðlast gildi þegar í stað, og birtist til eftirbreytni öllum 24. maí þeim, sem hlut eiga að máli.

Atvinnumálaráðuneytið, 24. maí 1951.

Hermann Jónasson.

Árni G. Eylands.

SAMPYKKT

94

31. maí

um sýsluvegasjóð í Suður-Múlasýslu.

1. gr.

Í Suður-Múlasýslu skal vera sýsluvegasjóður. Úr þeim sjóði skal greiða kostnað við nýlagningu sýsluvega og þær umbætur á þeim, sem að lögum hvíla á sýslufélaginu, eftir því sem fé er veitt til á hverju ári.

2. gr.

Sýsluvegir eru þessir:

I. FLOKKUR

1. *Geithellnahreppur:*
Hamarsselsvegur frá Þjóðvegi hjá Hamri að Hamarsseli.
Kambsselsvegur frá Þjóðvegi við Geithellnaárbrú að Kambsseli.
Þvottárvegur frá Starmýri að Þvottá.
2. *Búlandshreppur:*
Djúpavogsvegur frá Djúpavogi á Þjóðveginn milli Berufjarðar og Hamarsfjarðar.
3. *Beruneshreppur:*
Núpskjáleiguvegur frá Þjóðvegi um Núp að Núpskjáleigu.
Fossárdalsvegur frá Þjóðvegi að Fossárdal.
4. *Breiðdalshreppur:*
Suðurbyggðarvegur frá Breiðdalsárbrú um Suðurdal sunnan Breiðdalsár að Flögu og þaðan á Þjóðveg í Jórvíkurnesi.
Jórvíkurvegur frá Þjóðvegi að Jórvík.
Fagradalsvegur frá sýsluvegi að Fagradal.
5. *Stöðvarhreppur:*
Heyklifsvegur frá Hvalsnesi að Heyklifi.
6. *Fáskrúðsfjarðarhreppur:*
Kolfreyjustaðarvegur frá Þjóðvegi að Kolfreyjustað.
Innsveitarvegur frá Þjóðvegi að Döllum.
7. *Reyðarfjarðarhreppur:*
Selsvegur frá Þjóðvegi í Borgakrók að Eskifjarðarseli.
8. *Helgustaðahreppur:*
Karlsskálavegur frá Þjóðvegi við Teigará að Karlsskála.
Vöðlavegur frá Þjóðvegi á Vöðlavíkurheiði að Vöðlum.

- 94 9. *Norðfjarðarhreppur:*
31. maí *Fannardalsvegur* frá Þjóðvegi við Skálateig að Fannardal.
Seldalsvegur frá Þjóðvegi á Sneiðingum að Seldal.
Barðsnesvegur frá Viðfirði að Barðsnesi.
10. *Mjóafjarðarhreppur:*
Mjóafjarðarvegur frá Firði að Eldleysu.
11. *Eiðahreppur:*
Ormsstaðavegur frá Fossgerðisá um Fossgerði, Þrándarstaði, Tókastaði, Ásgeirsstaði og Ormsstaði að Gilsárbrú.
Hjartarstaðavegur frá Eiðavegi um Gilsárteig, Brennistaði og Hjartarstaði að fyrirhugaðri brú á Gilsá undan Hjartarstöðum.
Fljótsbakkavegur af Úthéraðsvegi um Breiðavað að Fljótsbakka.
12. *Vallahreppur:*
Jaðarsvegur frá Þjóðvegi að Jaðri.
Útnyrðingsstaðavegur frá Þjóðvegi utan Ketilsstaða að Útnyrðingsstöðum.
Beinárgerðisvegur frá Þjóðvegi innan Ketilsstaða að Beinárgerði.
13. *Skriðdalshreppur:*
Geitdalsvegur frá Flögu að Geitdal.
Borgarvegur frá Múlaárbrú að Borg.

II. FLOKKUR

1. *Geithellnahreppur:*
Múlavegur frá Þjóðvegi að Múla.
Flugustaðavegur frá Þjóðvegi að Flugustöðum.
Hærुकallsnesvegur frá Þjóðvegi að Hærुकollsnesi.
Rannveigarstaðavegur frá Þjóðvegi í Múlahálsi í Rannveigarstaði.
2. *Beruneshreppur:*
Urðarteigsvegur frá Þjóðvegi að Urðarteigi.
3. *Breiðdalshreppur:*
Gilsárvegur frá Þjóðvegi að Gilsá.
Gilsárstekksvegur frá Þjóðvegi að Gilsárstekk.
Skjöldólfsstaðavegur frá sýsluvegi að Skjöldólfsstöðum.
Reynistaðavegur frá Þjóðvegi að Reynistað.
Tóarselsvegur frá Þjóðvegi að Tóarseli.
Brekkuborgarvegur frá sýsluvegi að Brekkuborg.
4. *Stöðvarhreppur:*
Stöðvarvegur frá Þjóðvegi við Óseyri að Stöð.
5. *Fáskrúðsfjarðarhreppur:*
Gestsstaðavegur frá sýsluvegi að Gestsstöðum.
Brimnesgerðisvegur frá Þjóðvegi að Brimnesgerði.
Hólagerðisvegur frá sýsluvegi að Hólagerði.
6. *Reyðarfjarðarhreppur:*
Eskifjarðarvegur frá Bleiksárbrú að Eskifirði.
7. *Helgustaðahreppur:*
Kirkjubólsvvegur frá sýsluvegi hjá Karlsstöðum að Kirkjubóli.

8. *Norðfjarðarhreppur:*
Grænanesvegur frá Þjóðvegi við Hof að Norðfjarðará undan Grænanesi.
9. *Eiðahreppur:*
Hamragerðisvegur frá Hjartarstöðum að Hamragerði.
Grafarvegur frá Úthéraðsvegi að Gröf.
10. *Egilsstaðahreppur:*
Kollstaðagerðisvegur frá Þjóðvegi að Kollstaðagerði.
11. *Vallahreppur:*
Arnkelsgerðisvegur frá Þjóðvegi að Arnkelsgerði.
Víkingsstaðavegur frá Þjóðvegi á Vallaneshálsi að Víkingsstöðum.
Freyshólavegur frá Þjóðvegi að Freyshólum.

Til nýlagningar og viðhalds sýsluvega í II. flokki komi framlag frá einstaklingum eða sveitarfélögum að jöfnu móti framlagi úr sýsluvegasjóði.

3. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni, sem greiðist á manntalsþingi af ábúanda hverrar jarðar og eiganda hverrar lóðar eða húseignar í kauptúnum.

Sýslunefnd ákveður fyrir eitt ár í senn, hve hár vegaskatturinn skuli vera, enda sá þúsundagjaldið af fasteignamatsverði bundið þeim takmörkunum um lágmark og hámark, er lög mæla fyrir á hverjum tíma. Vegaskattur af húseignum skal jafnan vera helmingi lægri að hlutfallstölu en af löndum og lóðum.

Skatturinn skal miðaður við áætluð gjöld til vegabóta hvert ár, að viðbættu því, er umfram kann að hafa eyðzt næsta ár á undan, en að frádregnu áætluðu tillagi ríkissjóðs og því, er hreppsfélög eða einstaklingar hafa skuldbundið sig til að leggja fram á gjaldárinu Með gjöldum til vegabóta teljast vextir og afborganir af lánum, enda hafi ráðherra samþykkt lánskjörin, að fengnum tillögum vegamálastjóra.

4. gr.

Vegaskatt er hreppsfélagi heimilt að greiða úr sveitarsjóði að nokkru eða öllu leyti, ef það er samþykkt með meiri hluta atkvæða á lögmætum sveitarfundi, og skal tilkynning um það komin til sýslumanns fyrir 1. apríl. Gildir sú skipun þangað til fundarsamþykktin er afnumin með sama hætti. Greiðir þá hreppsnefndaroddviti skattinn til sýslumanns á gjalddaga.

Nú fellur fasteign úr ábúð og eigandi hennar er ekki útsvarsskyldur í viðkomandi hreppi eða kauptúni eða greiðir þar ekki útsvar eftir sömu reglum og aðrir, og er þá hreppsnefnd heimilt að krefja eiganda um vegaskattinn, sem þúsundagjald af eigninni, eftir því, sem hann er ákveðinn í lögum.

5. gr.

Í Eskfjarðar- og Búðahreppum skal hálfur vegaskatturinn renna í sveitarsjóð, ef hreppsfélagið ver til vegagerðar innan hrepps á því ári að minnsta kosti jafniklu fé úr sveitarsjóði sem hálfum vegaskattinum nemur auk hreppsvegagjaldsins það ár.

6. gr.

Jafnhátt þúsundagjald skal lagt á í öllum hreppum sýslunnar.

7. gr.

Undanþegin vegaskatti eru kirkjur, skólahús og þinghús.

Allir sýsluvegir skulu gerðir akfærir svo fljótt, sem ástæður leyfa og fé er fyrir hendi umfram nauðsynlegt viðhald þeirra vega, sem þegar eru akfærir.

Sýslunefndin skal hlutast til um, að unnið sé að vegagerðinni með vélum eftir því, sem við verður komið. Kaup eða leiga á vélum og verkfærum telst með gjöldum sýsluvegasjóðs.

Sýslunefndin hefur undir yfirstjórn vegamálastjóra umsjón vegagerða og viðhalds á sýsluvegum og ákveður framlag til einstakra sýsluvega.

Oddviti sýslunefndar hefur fyrir hennar hönd umsjón með öllum sýsluvegum og ræður verkstjóra til að stjórna framkvæmdum. Að öðru leyti annast hreppsnefndin vegagerð og viðhald sýsluvega hver í sínum hreppi og sér um reikningshald.

Skylt er sýslunefnd að hlýða ráðum vegamálastjóra um framkvæmd vegagerða á sýsluvegum.

Oddviti sýslunefndar semur árlega reikning sýsluvegasjóðs. Skal reikningur undanfarins árs lagður fram endurskoðaður á sýslufundi til samþykktar. Gilda um hann sömu reglur og sýslusjóðsreikninginn. Á sýslufundi skal semja áætlun um tekjur og gjöld sýsluvegasjóðs fyrir yfirstandandi ár. Afrit af sýslusjóðsreikningnum ásamt áætluninni skal oddviti senda vegamálastjóra að afloknum sýslufundi.

Sýsluvegasjóðurinn skal fá framlag úr ríkissjóði, svo sem mælir fyrir um í 2. gr. laga nr. 50 frá 17. maí 1947 eða öðrum lögum, er síðar kunna að verða sett um sama efni.

Sýslunefnd ber að hafa eftirlit með því, að sýsluvegum sé ekki ofboðið með umferð. Getur oddviti sýslunefndar í samráði við viðkomandi hreppsnefnd og að fengnu samþykki vegamálastjóra bannað umferð um vegi, ef hætta er á að þeir skemmist vegna holklaka eða bleytu.

Gjöld til sýsluvegasjóðs má taka lögtaki.

Brot gegn samþykkt þessari og fyrir mælum sýslunefndaroddvita til verndar vegum varða sektum samkvæmt 13. gr. laga nr. 102 19. júní 1933, sbr. lög nr. 14 8. marz 1948. Fer um mál út af slíkum brotum sem almenn lögreglumál.

Samþykkt þessi, sem sýslunefnd Suður-Múlasýslu hefur samið og samþykkt, samkvæmt lögum nr. 102 19. júní 1933, sbr. og lög nr. 50 17. maí 1947, staðfestist hér með til þess að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 31. maí 1951.

Hermann Jónasson.

Páll Pálmason.